

Zeitschrift: Le nouveau conteur vaudois et romand
Band: 87 (1960)
Heft: 9

Artikel: Lo bocan à Croqua-dzènô
Autor: Terpenaz, Pierro
DOI: <https://doi.org/10.5169/seals-231959>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 03.04.2026

ETH-Bibliothek Zürich, E-Periodica, <https://www.e-periodica.ch>

Lo bocan à Croqua-dzènô

A mon ami Henri Dutoit

Croqua-dzènô gardâve dan on bocan que l'îre on to bon, tan galé et tan bon que Croqua-zènô n'a ma fin pâ-z-u vergogne de lo menâ au concou à Rondzeborê que cin l'a étâ lo pllie bî dzo de sa via à Croqua-dzènô dû que Grîtset clli bocan que l'îre lo pllie bî de tré ti — ma que vretablliamin chintai petître assebin lo pllie mau — adan l'a bal è bin-z-u la proumûre prima. Lè précau dau jury, que ne badenan pardiû pâ, laï an, betâ onna balla pancârta intre mé dai duve coirne que l'îre pllie bî qu'on colonet lo Grîtset à Croqua-dzènô.

Sti yâdzo Croqua-dzènô n'a pâ émâil-lî po bâre trai déci à la Crâ fédérâla, que n'îre pâ d'orguet é pu puâve bin fère on-n-estra dû que l'ai avan baillî on napoléon de vin fran po la prima à Grîtset.

Pourro Grîtset que l'îre tan fiè de reveni dau concou avouè sa balla prima ! Lè épuaïrau cin que l'ai è arrevâ. Sè pâ se lè cllia balla prima que l'a fé veni to fou ma on pâ de dzo aprî lo concou s'è bal è bin met à turtâ sa rêtse que to lè venu avau, retse, palè tâdzo que l'îre on vretâbllio désastro. Adan Croqua-dzènô s'è mè in colére, lai a to de que brâve dzin à son bocan, l'a prâ sa tsetta, son martî, sa resse é pu dai cllioû prau matâre é pu s'è met

à l'ovrâdzo. Ma cllia roûta de Grîtset n'a rin fé po lai aidyï, ma fin na. Simblliâve que l'avai lo diabllio au coï, cllia serpin de Grîtset. A te que qu'a l'avï que Croqua-dzènô voillâve pllian-tâ on cllioû, a te que onna turtaye é pu lo martî avau permi la paille. Adan Croqua-dzènô l'a fé on djuremin dau mellion dau diâbllio, l'a ramassâ son martî é pu, de radze, crâ, on-n-épé-luaye între mé dai duve coirne, té, Grîtset po t'apprêdre...

L'a apprâ, lo pourro Grîtset que l'è qu'on coû de martî intre mé dai duve coirne ! S'è balé bin étai inque bâ que n'a pâ refé on-n-edzervetâye, que vretâblliamin vaillai pâ lo coû d'avai-z-u la proumîre prima au concou de Rondzeboâ é pu d'ître assassinâ pè son mètre Croqua-dzènô inradzî po on croÿou coû de coirne !

Adan Croqua-dzènô s'è mè à crepetan décoûte son bocan que l'avai verî lo pellion : « Mon Diu te possibllio que t'î toupin de crêvâ dinse, de mè laissî solet perquie. Té pâ fé gran mau, te l'avai bin mrétâ, de fère dinse lo fou. Mon pourro Grîtset, avoué tote clliau tchîvre que lai a pè lo velâdzo, pu to parâ pâ chondzî à tè rimplliècî ! »

Pierro Terpenaz.

(Reproduction interdite.)

UN PETIT VERRE... QUI DONNE GRAND APPÉTIT !

**Les « Bons Romands » sont toujours prêts
à prendre ... un apéritif « Diablerets » !**